

**PEMBERITAHUAN PERTANYAAN BUKAN LISAN DEWAN NEGARA
MESYUARAT KEDUA, PENGGAL KEEMPAT
PARLIMEN KEEMPAT BELAS**

PERTANYAAN : BUKAN LISAN

DARIPADA : TUAN CHANG LIH KANG [TANJONG MALIM]

SOALAN

Minta **PERDANA MENTERI** menyatakan senarai program-program mikrokredit untuk usahawan Bumiputera dan bukan Bumiputera oleh semua agensi Kerajaan serta jumlah wang yang diperuntukkan untuk setiap program.

JAWAPAN

**DIJAWAB OLEH YB DATO' SRI MUSTAPA BIN MOHAMED
MENTERI DI JABATAN PERDANA MENTERI (EKONOMI)**

1. Tahun 2020 dan 2021 merupakan tahun yang mencabar bagi perusahaan mikro, kecil dan sederhana (PMKS), terutamanya bagi usahawan mikro. Pandemik COVID-19 telah menjelaskan prestasi dan pencapaian sektor ini. Operasi perniagaan telah terjejas dengan teruk sehingga mengakibatkan penutupan perniagaan secara sementara atau kekal.
2. Berdasarkan Kajian Impak Perintah Kawalan Pergerakan (PKP) 3.0 yang telah dijalankan oleh Kementerian Pembangunan Usahawan dan Koperasi (MEDAC) pada 15 Jun sehingga 28 Jun 2021, menunjukkan lebih daripada 37,000 perniagaan telah ditutup. Majoritinya adalah usahawan mikro iaitu sebanyak 26,000, manakala perusahaan kecil dan sederhana adalah sebanyak 2,700. Pandemik ini juga telah memberikan impak ketara dari segi menjelaskan aliran tunai, permintaan barang dan perkhidmatan yang rendah serta gangguan dalam rantaian bekalan.
3. Bagi memastikan bahawa tidak ada segmen masyarakat yang tertinggal dalam pembangunan ekonomi negara, pelbagai program keusahawanan dan pembangunan PMKS telah dilaksanakan oleh 17 kementerian dan lebih daripada 60 agensi Kerajaan.
4. Antara program mikro kredit yang diperuntukan oleh Kerajaan untuk usahawan mikro adalah:
 - i. Pembiayaan oleh TEKUN NASIONAL sebanyak RM786.9 juta:
 - RM745 juta bagi Program Pembiayaan TEKUN untuk usahawan Bumiputera;
 - RM30 juta bagi Skim Pembangunan Usahawan Masyarakat India (SPUMI); dan
 - RM11.9 juta bagi Pembiayaan Penduduk Kampung Baru Cina oleh TEKUN Nasional.

- ii. Peruntukan dana oleh Bank Simpanan Nasional (BSN) sebanyak RM1.5 bilion bagi:
- RM800 juta bagi Mikro Kredit Prihatin/Penjana;
 - RM300 juta bagi Mikro Kredit Pemerkasa;
 - RM90 juta bagi Skim Usahawan Cina (CENTS);
 - RM163 juta bagi Mikro Kredit Kampung Baru Cina (PKBC);
 - RM5 juta bagi Skim Penjaja Kecil Cina (SPKC); dan
 - RM150 juta bagi Skim Usahawan Perusahaan Kecil Komuniti Cina (SUPKKC)
- iii. Manakala, peruntukan dana yang disediakan oleh AgroBank untuk komuniti agrotani dan usahawan tani dari kategori mikro adalah sebanyak RM610 juta iaitu:
- RM350 juta bagi Agromakanan Penjana;
 - RM20 juta bagi Program Tanam Semula Dan Input Pertanian Pekebun Kecil Sawit (TSPKS/IPPKS) MPOB;
 - RM100 juta bagi Ladang Kontrak B40;
 - RM50 juta bagi Dana Pembangunan Usahawan Pertanian (DPUP) Pesawah Padi;
 - RM45 juta bagi Permodenan Vesel & Mekanisasi Tangkapan; dan
 - RM45 juta bagi Skim Mikro Kredit Sarawak 1 & 2

Sekian, terima kasih.